



The Makuilongdi Express

Liangmai Daily Newspaper


“Mazibo niu ngamne”



The Aja Daily gu chief editor khatdi proprietor Valleyrose Hungyo tu ‘Excellence in Journalism’ gu Award ETA North East Women’s Network niu pikhaimideh

Kraibou chawang khatdi Martha Chawang napui Riliu. Khengdauli Chawang niu pH Freshness sensor taliu pad lu mide

Page 2



Zengtung 21 Kanahhiu 2023, Machanai - Office Gaililong, Tamei. PO-Tamei, Tml. Dist. Manipur Vol.II. Issue 14 page

“Naliudi ginsijiu bamlulo. Naliu lung matipjiu bamlo; palamra Rapiu tingmikse nawang mide.”

James 5:8

ZSUD executives kasan tu lu su khaimide



New Delhi, kanah 18:

Zeliangrong Students Union Delhi gu kasan kada khaibo executives dungtu luksu khaibo ngam hai Agape Centre Munirka, Delhi ga 18 kanahiu 2023 bonai kamkhaimide.

Zeliangrong Students’ Union Delhi gu constitution Article 17 saisuijiu kanahiu 11, 2023 bonai Annual General body meeting bam jiu executives kasan 2023-2024 leng kadakhai mibo we.

Executives 2023-2024 leng kasan kadakhaimai;

1. President -Liangkiudinbou Marenmai
2. Vice President -Achim Ngonamai
3. General Secretary - Janet Riamei
4. Joint Secretary - Newme Ringneikam
5. Finance Secretary- -Wimachunliu Lydia
6. Social & Cultural Secretary - -Singambou Chawang
7. Public Relation Secretary - - Caroline Pame
8. Sports Secretary - Maingenlakhbou Mataina
9. Women Coordinator - - Samzaiyile Newme
10. Assistant Public Relation Secretary- Aguisuiliu Ringkangmai
11. Assistant Sports Secretary- -H K Mathew Pamei

Kashmir ga dinkhai mibo lad donniu Delhi Police Rahul Gandhi tu chalad maniu mide



Sources- Hindustan times

New Delhi, kanah 19:

Delhi police dung Special Commissioner of Police (law and Order) Sagar Preet Hooda niu majanglujiu congress gu leader Rahul Gandhi ky Rahul Gandhi’s 12, Tuglaq Lane ga wang jiu patu notice issued kamkhaibo lam ga maniu mideh. Rahul Gandhi niu pagu “Bharat Jodo Yatra” gu tienkam kashmir ga tadjuijiu, ”npui mai tu tuhoidi kam masa khaibam khaye” chiujiu dinpad mibo lamga maniu masan ra police dung wangbo we. Police dungniu wangbo hai npuimai tu kam masa khaijiu bam bo maidung lam ga masan jiu dinkhaira maniura wangbo we.

‘Aliu wangbo hai Rahul Gandhi niu chabamhiu 30 bonai srinagar bharat jodo yatra gu teinkam ga npuimai kasai doujiu palu niu palu tu kam masa khaibibo lam dinkhaiye chiubo don niu ,Rahul khuga sibo lam maniu san lujiu sibo npuimai dung riga kamajibo si kamkhai lura leng ye,” chiujiu Hooda niu dinne.

MHA gu officials dung khatdi ENPO gu jupou dung Kohima ga makhiam ne



Ministry of Home Affair niu kada khaibo ,ember khangsum gu committee khatdi Eastern Nagaland People Organisation (ENPO) ga changam phungbam mai gu makhiam hai Kohima ga kanahhiu 22 bonai tadjui suneh. MHA advisor (north East) Ak Mishra niu HOME ministry committee tu majang lujiu kanahhiu 22 bonai nagaland ga wangjiu ENPO gu jupou dung nai makhiam raye.

Home ministry lamsu intelligence bureau gu joint director Dr. Mandeep Singh khatdi Ak Dhayani MHA directo(NE division) joujiu wangrabo we. Sichiujui MHA gu Katheng kadi mai nai makhiam lubosai ,ENPO leaders dung niu kaki mainai makhiam katin lan ne. Siga MHA dung nai makhiam khaimibo lamga di makhiam lan sune.

14th Nagaland assembly gu raithu bo session Mennai tadjui hou mira ye



Kohima, kanah 20:

Kasanbo Nagaland Assembly (14th NLA) gu ziang chakui (9) tadjuirabo Budget session haisi karaibo thiujui session mennai takiu houneh. Siga Pro-tem Speaker Mhathung Yanthan niu kasan bo MLA dung gu oath taking ngamkam hai thinkiukhaineh khatdi Assembly Speaker Kasan kadabo ngam kam di tadjura ye.

Machannai sai GOVERNOR La Ganesan niu House ga chalad dinkhai suneh. Chief Minister Neiphiu Rio, finance Minister gu in-charge phungbambo pahniu 2023-2024 gu Budget si kanahhiu 27 bonai pikhaijiu pasai bo nai sibo Budget pass thiukhaira phungpad rabo we.

Haibo assembly ga Urban Local Bodies gu election khaikiurabo lam ga di makhiam rayeh. Urban Local Bodies Gu election haisi tingkum 20 kumbo kamta mobo we.

13th NLA ga speaker kam khaimibo Sharingain Longkumer niu 14th NLA gu speaker leng pagu nomination haisi pikhailan jibum me. Secretariat ga kanam thubo nai katang ga speaker leng nomination si khat rona pikhaijiu bma me chiujiu NLA gu secretary in-charge Khruohituono Rio niu dinneh, sijengniu 14th NLA gu speaker si Sharingain niu phung lan misune.

Chalad N-bung

Nchuk thoibo: Tasiang suang kungdiang bow, arat misai tasiang douneh, chamchang lusai thoidam doune.

Liangmai Orthography

1.7. SECONDARY ALPHA-BET/SYMBOL

Lianglad karaobo ga Roman Alphabet kasia aliu lad ga pakhon ra ha chiudi thin piu bambo dung si tu Secondary Alphabet chiujiu thinne. c- f chafai ,q -qonniam, chaqon sh kamshat, shai, v kavang, vangpiu, vang j-x-

Pari ga lenkhaibo Symbol dung si pakhon lam "phuisai aliu lad gara habowe. Haisi aliu pakhon (Sound) khat tu pagiat (Alphabet/Symbol) nia thinbambowe, cha khon tu ch nai c, pha khon ph nai f, ka khon tu k nai q, sa khon tu s nai sh, ba khon tu b nai v, khatdi za khon tu z nai j.

Haibo dung ruang ga f nai j khatdi sh hai ra masuang gasu Common thiumibo donniu Secondary Symbol chiujiu thin bamne khatdi laddeng dung tu kam tasikhai ra thinbawe. Kakibo c, v, q, x hai si ra thin mak ra chapkhaiye. Thin makbo ramba ra, haibo khon dung thin sai, aliu lad ga maiky lad ngut mirabo bamme. Siniu phut mi ra chapkhaiye.

Mathen Cham



Goa, kanah 18:

Jawaharlal Nehru Stadium Goa ga ISL 2022-2023 gu final mathen bo ga ATK Mohun Bagan niu Bengaluru FC tu penalty shootout (4-3) ganiu ngam mideh. ATK Mohun Bagan leng thiujiu raithubo ISL championship title si bengaluru FC tu ngamlujiu doumideh.

ATK Mohun Bagan gu Owner Sanjiv Goenka niu ATK Mohun Bagan tu si Mohun Bagan Super Giants chiujiu wanglanbo season ga kumi raye chiujiu dinpad mideh.

Kraibou chawang khatdi Martha Chawang napui Riliu.Khengdauli Chawang niu pH Freshness sensor taliu pad lu mide

Lance Murry, Kanah 16.

ph.D scholar-southern Methodist University gasu Liangmai pui Khengdauli Chawang niu Flexible pH sensor , mm. 2 thengbo khatdi mm 10. dibo sensor haisi katiu kasak lam detect thiu suibo maksai scan kam kasuibo mania hai taliu pad lu mide. haibo sensor haisi katiu kasak masanbo/taniabo maksai expire thiumibo tudi detect thiu sui ye chiujiu pagu statement ga din ye. pahai Samjiuram Nagaland gasu ye.

OFFICE OF THE LIANGMAI NAGA COUNCIL, MANIPUR

Head office: Namraining
Tamei Hq, 795125

Branch Office:Namdilong
Kanglatongbi, 795136

Liangmai Naga Council, Manipur

Ruangdi gu Madui tadkiu rabo tiendon

Pabam: Chiang; Jengtung: 04/04/2023; Pawan: 10:15 am

Madui jukhaira: Mn. N. Abubou, Legal Secy. LNC (M)

*Chiang Community Hall kama ga wang maduibo wan:

*Council pengphai jusubo : Mn. R. Machundoubou President, LNC(M)

*Hall lungga tadngutbo : Speaker, Secy. A/Affairs & Delegates/
Public mai pabam bam lubo

*Madui sura leng kakheng : Rev. P. Mainganlungbou Pastor, CBC, LNBA(M)

*Makhiam rabo lam dinmadu padbo wan (Agendas):

1. Presidential Speech.
2. Review of previous resolutions
3. Chawangkinging ga Liangmai namdii thiurabo lam.
4. Approval of reports:
 - a. Wing Organizations (Youth Wings, Organization of the Council, LNK,LPNR, LLS, LACA, LSA, LET) resolutions & Audited

notes.

- b. LNC Central & Zonal
- c. Miscellaneous

5. Election Commission leng pawan :
(Elected Central leaders tu commission pibo wan)

*Thuankiubo cham : Mn. Namjonang Daimai, V/P LNC(M)

*Kama ga tadpadlujiu Pengphai jukiubo tien : Mn. D. Gombui, Election Commission Member.

*Madui mathak khairabo kakheng : Mn. M. Abel, Asst. Pastor Chiang Baptist Church, LNBA(M).

Pisikhaibo

1. Wangmai riak sira leng registration kam ra ye. (Rk. 100/- per delegate)
2. Wing Organizations hina resolutions & audited notes etc. (200 copies phungwang kam ra ye.)
3. Pageng bambo proposals agenda hina Jt. 02/04/2023 lungga piwang ra ye. Sibon sailam ra lulakde.
4. Jt. 04/04/2023 bonai wanchak 08:30 - 10:00 am lungga lunch pira ye. Pawan ga jonwang kam lulo.
5. Central Executive kadabo ga nam khad gasu Chairman & Secretary V/A tu ronna voting rights pira ye.

Prepared by:
Executive members
LNC(M)

Japan gu Prime Minister , Fumio Kishida India ga ziang nia leng wang raye

kanah 20:

Japanese prime minister Fumio Kishida niu India ga ziang nia bamra leng wangtang khai bo nai chamjiu Union minister Rajeev Chandrashekar niu adou khaimide.

Kishida niu ' free and Open Indo-pacific" chiubo plan sidi lepad khai ne .khatdi prime minister Narendra Modi nai fumio Kishida niu tuhoi Indo-pacific lam ga di makhiam thiusu ne.

Japan khatdi India niu G7 khatdi G20 gu presidencies summit si thaikum ndengkhaira bam bo jengniu Kishida niu Modi tu G7 khatdi G20 gu pageng si makhiam khainijiu wangbo we chiu we.

sources-PBNS

Riliu Krishangee Gauree Assam maipui niu India mairong gasu raithubo thiujiu " Miss Queen of the World " 2023 gu pirun si doulu mine



New Jersey, kanah 18:

Kadihipiri gu thiujiu Pegeant's Grand finale hai New Jersey,USA ga kanah 13 gasu 18 katang tad kiubo boga chamai 30 niu joukhai ye .India mapui Assam gasu riliu Krishangee Gauree niu MISs Queen of The world gu Pirun si douluwe.

"Queen of the World " 2023 Pageant ga pirun doulu maidung niu 2023Miss Queen of the World -Krishangee Gauree,India 2023 Ms.Queen of the World - Rachell Diaz. Philippines 2023 Mrs.Queen of the World -Hannah Bott,South

west